

Hist- 7.261

7261

HISTORIA.

40

J. F.
THEMISTOCLES,
DUCUM ATHENIENSIIUM CLARIS-
SIMUS,
IN ACTU PUBLICO
GYMNASHI MAGDALENÆI,
A. D. 26, Maji, Hor. à l. pomerid,
celebrandus,

dirigente

M. Johanne Fechnero.

VRATISLAVIÆ,
In Hæredum BAUMANNIANORUM Typographiâ,
exprimebat JOH. CHRISTOPH. JACOBI.



Lecturis Salutem plurimam dico.



Illustris ille & apprimè utilis Scriptor Valerius Maximus, qui virtutum vitiorumq; exempla è variis historiarum silvis succinctè congescit, congesta vitæ communis scenæ concinnè accommodavit, inter alia memorabilia recenset quoque seriem virorum illustrium, qui mores juventutis perperam, exactæ in melius mutarunt & deletâ maculâ prioris infamiæ per egregia facinora ad summos gloriæ processerunt gradus. Horum in numero ponit etiam Themistoclem, Ducem Atheniensem clarissimum, de quo hæc prodit: Piget Themistoclis adolescentiam attingere, siue patrem adspicias, abdicationis inurentem notam, siue matrem suspendio finire vitam propter filii turpitudinem coactam, cum omnium postea Graji sanguinis virorum clarissimus extiterit. (lib. 6. c. 9.) Quamvis enim Justinus historiarum Trogi Pompeji epitomator percelebris tradat, Themistoclis adolescentis gloriam in pugna Marathonîâ, quâ ductu Miltiadis exigua civium Atticorum manus numerosissimas barbarorum copias profligavit, emicuisse, ut jam tum in eo futuræ imperatoriæ dignitatis indoles apparuerit; (lib. 2. c. 10.) tamen alii gravissimi, & veterum memoriarum exequentissimi auctores Maximo suum adjiciunt punctum adseruntq; eundem adolescentiam flagitiosè admodum traduxisse, & post Marathonium demum prælium, conspecto forte tropæo, quod Miltiadi populus Atheniensis in porticu, quæ pœcile dicta fuit, crexerat, sacro quasi thyrsu contactum

contactum per motumque ad meliorem vitæ frugem se recepisse. Itaque imago Ducis illustrissimi eminentiori loco præstituta tam profundè animo adolescentis impressa erat, ut ipsum intra reciprocos curarum æstus fluctuantem dormire non pateretur. Hæc vigilantibus, hæc somniantibus subinde occurabat, ut à veterano putris ignaviæ & desidiosæ voluptatis excitatus & in semetipsum descendens, saniora de moribus corrigendis capesseret consilia. Tunc relicto protinus ganeonum consortio vitia adolescentiæ, ut Nepos, qui vitam ejus graphicè dedit descriptam, ait, magnis emendavit virtutibus, & summâ industriâ contumeliam exhæredationis extinxit famæque inserviens, totum se dedit reipublicæ. Sæpius in concionem civium prodibat, multum in judiciis versabatur, frequenter vadimonia obibat. His studiis, his artibus, quæ in democratico regimine ad honores consequendos plurimum valent, populi favorem sibi facile concinnavit juvenum callidissimus, ac celeriter ad claritudinem viri excellentis emerfit.

O memorabile ad omnem posteritatem exemplum, & monendis adolescentibus perquam congruum! Cum enim ex his non pauci ætatis juvenilis florem in deliciis conterendum putent, Themistocles resipiscens ob oculos animosque eorum statuendus est, ut exemplo hoc in loco tam illustri posito admoniti, & à somno inertiae deliciarumque expergefacti, optimam vitæ partem in pervigilio Minervæ & studiis salutaribus exigant. Næ multi adolescentes bonis benè nati parentibus & probè castèque domi educati, cum apud exteros incidunt in lurconum contubernium, mores

illorum corruptos facilè combibunt. Si verò iisdem crebras
dehortationum machinas adhibueris, è sordido vitiorum
volutabro extrahi lentisq; voluptatis vinculis tandem exi-
mi possunt, ut bonæ mentis iter, quod dextrum litteræ Py-
thagoricæ cornu monstrat, seriò respicientes, per excellen-
tium virorum vestigia ad laudem & gloriam procedant.
Taliū nempe animus, ut scitè loquitur laudatus suprâ Va-
lerius, peregrinatus est in nequitia, non habitavit. Nam
cum indoles ipsorum proba cæno vitiorum profundo peni-
tus non fuerit demersa, in lucem denuò & ex abjectâ con-
ditione ad claritatem potuit emergere. Sed ut ad Themis-
toclem redeamus, constat ex fide historicâ, ipsum ad me-
liora vitæ civilis studia conversum brevi tempore fuisse il-
lustratum. Cum enim esset ingenio ad res celeriter inveni-
endas promptissimo & ad gerendas expeditissimo, ac ra-
tionem status artesq; illas politicas quibus democratica res-
publica, qualis sanè erat Atheniensis, incolumis servatur,
ad ungvem calleret, omnes cogitationes, actiones omnes,
omnia deniq; consilia ad vires opesq; civitatis Atticæ fir-
mandas pariter & augendas unicè atq; unicè dirigebat. Id
ut effectum daret, autor extitit populo, ut redditus ex metal-
lis largitionibus non necessariis antehac absumptos in clas-
sem navium numerosiorem instruendam impenderet. Ita
suasus ejusdem ducentæ naves instructæ fuerunt, quibus ipse
præfectus res magnas pro republicâ patria gessit, & fractis
Corcyraïs piratisq;, qui maria passim reddiderant infesta,
oppressit, Athenienses operâ suâ ad laudabili rei nauticæ fe-
cit peritissimos, ut jam opes illorum supra cæterarum Græ-
ciæ

ciæ civitatum vires erectæ viderentur. Quod postea in bello illo famosissimo, quo Xerxes omnibus regni Persici viribus contractis Græciam petebat, apparuit luculentissimè: Tunc enim incomparabilis Themistoclis prudentia potissimum emicuit. Tantas Rex ille secum traxisse perhibetur copias, quantas quidem nullus ante eum sub signis habuisse credibile est. Ut paucula saltem de immenso isto apparatu delibem, advocabo ad partes Justinum, qui ex Herodoti Polymniâ hæc enotata refert: (lib. 2. c. 10.) Xerxes septingenta millia de regno armaverat, & trecenta millia de auxiliis: ut non immeritò proditum sit, flumina ab exercitu ejus siccata, Græciamq; omnem vix capere exercitum ejus potuisse. Quæ Aristides sophista insanum extollit hisce verbis: Telis obtegebatur ipse sol, mare navibus, terra copiis pedestribus, aer sagittis redundabat. Ideo Juvenalis argutissimus hyperbolicam istam Græcorum nugantium exaggerationem meritò perstrinxit, cum ait: (Sat. 10.)

Creditur olim

Velificatus Athos, & quicquid Græcia mendax,
Audet in historiâ: constratum clasibus æquor
Suppositumq; rotis solidum mare. Credimus altos
Defecisse amnes epotaq; flumina Medo.

Sed quid effecit barbarus tanto apparatu? Unius Themistoclis prudentia versutissima omnes istas molitiones dissipavit & in turpem fugam coniecit Regem insolentissimum, qui veluti naturæ Dominus montes in planum deduxerat, convexa vallium æqvaverat, freta pontibus straverat. Servata igitur tunc Græcia fuit non tam armis, quam

consilio Themistoclis cordatissimi, qui uti Nepos ex Thucidide refert, de instantibus verissimè judicabat, & de futuris callidissimè conjiciebat. Solus hic mentem oraculi Delphici, quod salvas fore Athenas dixerat, si ligneis defenderentur muris, dexterrimè interpretatus est, & navibus fata fortunæq; civitatis, quæ non in ædificiis & mœnibus saxeis consisterent, sed in civibus, committendas esse demonstravit. Solus porrò autor fuit classiariis, ut in freti angustiis impetum hostis, qui illic vires suas totas explicare eosque circumire non posset, infracto exciperent animo. Quod consilium felici non caruit successu: Astuto enim hoc strategemate, maximæ post hominum memoriam copiæ & bis mille, vel ut modestius Nepos, mille & ducentæ naves barbarorum à trecentis Græcorum profligatæ sunt & everse. Homines quidem multos, non viros, ut pel-lepidè ipse, teste Herodoto, dixit Themistocles, adduxerat Xerxes, qui fadâ sibi consulens fugâ in regnum recessit, lembo vectus piscatorio tot ante navium Dominus. Exinde liquet oppidò, quantum in rebus benè gerendis consultrix valeat prudentia.

Quocirca in Actu publico, qui adornandus jam nobis est, libet exhibere Themistoclem spectandum monendæ, uti supra diximus, juventutis gratia, ut insignie ejus exemplo fuscitata, se excusso inertix lethargo ad illa accingat studia, quibus olim patriam & rempublicam juvare queat & exornare. In proclivi est commendare Themistoclem commendatum à tot præcipui comnatis autoribus, quos inter Herodotus, Plutarchus, Justinus, præ-

præfertimverò Cor. Nepos Historicus verè probus,
à quo nonnulli in eloquentiâ puriori instruendâ, secus quam
Vossius ^o præcipit, (Part. Orat. l. 4. c. 1. n. 62.) auspican-
dum censent. Ductu ergò hujus scriptoris probatissimi con-
cinnavimus Drama quoddam, in quo adolescentes delecti
fictis sub personis de Græcia unâ ex parte oppugnandâ, ex
alterâ propugnandâ cadent sermones. Sic demonstrabimus,
quod discipulis nostris ad colloquia latina & disertationes
de rebus minimè futilibus ansam præbeamus.

*Vos autem, Viri Magni, Clari, Docti, Boni, studiorum stu-
diosorumq; hominum Patroni suspiciendi, Fautores honorandi,
submissè & officiosè rogamus, ut cras sub horam in frontispicio
indictam, si prolubium fuerit, aut graviora non prohibuerint ne-
gocia, Ludum nostrum litterarium intervifere, & præsentia
vestrâsplendidâ & autoritate spectabili, quæ pictis tropæorum
imaginibus efficacior, juventutem ad industriam in studiis perse-
quendis excitare dignemini. Quod si acroamata, quibus laudes
Themistoclis optime cantentur, qualia ipse quidem, Plutarcho
teste, audire amavit, non audi veritè: audietis tamen consulta-
tiones fictas sermonesq; amæbaeos filo & stylo historicorum Lati-
norum efformatos. Ideò opellam hanc nostram, approbaturus vos
speramus, Deum Opt. Max. precati, ut vos incolumes clementis-
simè conservet. P. P. d. 25. Maji, A. C. 1667.*

Pro-

Producentur,

1. *Pallas, vice Prologi, Vitus Ferdinandus à Mudrach:*

2. *Narratores, Partem priorem Historia de Themistocle, exposituri*

Latine ex Cor. Nepote,

Germanice ex interprete,

Samuel Rügler /

Esaias Sauer/

Carolus Sehm /

Georgius Fridricus Hensel/

Joh. Christoph. Reichsner. } Vratisl.

Samuel Rinder/

} Vratisl.

Fridericus Rungel/

Joh. Christoph. Grundman/

Joh. Georgius Lindner/

Gregorius Asman.

Georgius Memmiger: }

Joh. Christianus Gerhard/ }

3. *Recitatores, Apophthegmata Themistoclis potiora pronuntiaturi, Latine,*

Johan. Faustus Widerianus; Germanice, Jacobus Fiedlar/ }

Joh. Antonius Scheide/ } Vratisl.

4. *Actores & Interlocutores dramatici,*

Themistocles, Casparus Neumannus Vratisl.

Callias, civis Atheniensis, Casparus Wincklerus Sprotta-Sil.

Xerxes, Rex Persarum, Johannes Reinholdus Bausius Hala-Saxo,

Mardonius, Dux Persarum, Johannes Ernestus Güsovius Dracomont.

Ariabanus, Xerxis consiliarius, Georgius Christophorus Fischer/ Coblinio-Pol.

Mnesiphilus, Demagogus Atheniensium, Christophorus Pricelius Dracomont.

Aristides,

Hierophantes,

} Civium Athenien-

sum primores,

{ Christophorus Fribenius Landshutt-Sil.

{ Daniel Walterus Vratisl.

Charippus

{ Christianus Herrmannus Namsla-Sil.

Sostenes, } Legati ad Apolli- { Andreas Goldbach/ Vratisl.

Diocles, } nem Delphicum { Daniel Lindner/ Dracomont.

Epidromus, explorator, Georgius Sigismundus Nagel/ Jaura-Sil.

Achamenes, Praefectus classis Persarum, Gottfrid à Tilisch/

Eurybiades, Rex Spartanorum, Johannes Kurtzmannus Vratisl.

Demaratus Spartanus apud Persas exulans, Gottfrid Steudnerus Gryphoring-Sil.

Calliope, } Mase { Maximilianus Preuß/ Vratisl.

Clio, } { Gottfried Heydenreich/ Olßen.

Epinicion in laudem Themistoclis carmine amæbo trochaico cantabunt

& sic Actum claudent.

1800

